

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutaa

Aningaasaqarnermut tunngasut

Imm. 03 Powerbi

Suliassat nalinginnaasut

Imm. 04 21.Juni 2025 inuiattut ullorsiornissami kiisalu Kangaamiut 270-liineranut qinnuteqaat

Imm. 05 21.Juni 2025 inuiattut ullorsiornissami kiisalu Kangaamiut 270-liineranut qinnuteqaat / Nipilersortussat qinnuteqaataat

Imm. 06 Inuiattut ullorsiornermi immakkut ajunaarsimasut eqqaassutissaani kransiliinissaq

Imm. 07 Umiatsiaaqqanut qaqitsisarfiup kraanilerlugu qaqitsisarfiliortoqarnissaa pillugu

Imm. 08 Sanaartugassatut kissaatit

Imm. 09 Paasissutissiissutit / Ilisimatitsissutit

Imm. 10 Tamalaat.



Ataatsimiinneq aallartippoq nal. 10.00

Peqataasut:

Atassut

Albrichtine Lynge

Naleraq

Jens Lyberth

Siumut

Barnabas Larsen

Nalunaaruteqarlutik peqataanngitsut:

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarput

Imm. 02 Siulittaasup nalunaarutaa

Tusaatitut tiguneqarput



Imm. 03 Powerbi

J.nr. 01.00.04

Innersuussut

Innersuussutigineqarpoq ilaasortanit tusaatitut tiguneqassasut

Aalajangiineq

Tusaatitut tiguneqarput

- Puttasut marluk Erhversudviklinngimiit akilerneqassapput

**Imm. 04 21.Juni 2025 inuiattut ullorsiornissami kiisalu Kangaamiut 270-liineranut
qinnuteqaat**

J.nr.

Tunuliaqutaq:

Oqaluuserisassanngortitsisoq sunngiffimmi ataqatatiissaarisoq Justus Larsen, oqaluuserisassaq siulittaasumit Albrichtine Lynge-mit akuersissutigineqarpoq.

21.Juni inuiattut ullorsiorneq kiisalu Kangaamiut 270-liineranut atatillugu, aningaasanik qinnuteqaateqarput taakkulu atorneqassapput sutugassanut atorneqassapput kiisalu makitassanik pisinermi atorneqassallutik. Qinnutigineqartut annertussusii: **5.000,00 kroner**

Aningaasaqarnikkut allaffissornikkullu kingunerisinnaasai.

Aningaasaqarnikkut kingunerisinnaasai: Konto siornatigut 1820603501 ullumikkullu:
512020200-0201030000-1131713000-010573 ulloq 6.Juni 2025 ima annertutigisumik imaqarpoq:
219.050,53 kroner

Innersuussut

Allaffeqarfiup innersuussutigivaa, ilaasortanit akuersissutigineqassasoq

Aalajangiineq

Akuersissutigineqarput

**Imm. 05 21.Juni 2025 inuiattut ullorsiornissami kiisalu Kangaamiut 270-liineranut
qinnuteqaat / Nipilersortussat qinnuteqaataat**

J.nr.

Tunuliaqutaq:

Nipilersortussanut aningaasaliinissamik qinnuteqaat – Siunnersuuteqartoq siulittaasoq
Albrichtine Lyngé

Tunuliaqutaq

21 Juni inuiattut ullorsiornissami ilanngullugu Kangaamiut tunngavilerneqarneraniit ukiut 270
nalliuttorsiutiginnissaa siunniunneqarpoq.

Taamaalillunilu timersortarfeeqqami ualikkut pisussami aammalu unnukkut qititsitsinissami
A-ATA kkut nipilersortoorusullutik akuersipput. Gruppitullu akissarsiassatut 10.000,-
pissarsiarinnissaa taallugu.

Aningaasaqarnikkut allaffissornikkullu kingunerisinnaasai.

Aningaasaqarnikkut kingunerisinnaasai: Konto siornatigut 1820603501 ullumikkullu:
512020200-0201030000-1131713000-010573 ulloq 6.Juni 2025 ima annertutigisumik imaqarpoq:
219.050,53 kroner

Innersuussut

Innersuussigineqarpoq, ilaasortanit oqallisigalugu akuersissutigineqassasoq

Aalajangiineq

Kangaamiut 250 års Jubilæum aningaasaataanik akilerneqassapput

**Imm. 06 Inuiattut ullorsiornermi immakkut ajunaarsimasut eqqaassutissaani
kransiliinissaq**

J.nr.

Tunuliaqutaq:

Oqaluuserisassanngortitsisoq siulittaasoq Albrichtine Lynge.

21 Juni 2025 inuiattut ullorsiorneq iluatsillugu Kangaamiut tunngavilerneqarneraniit ukiut 270 -
ngussapput. Naalagiat asoornerani Nunaqarfimmi aqutsisuniit tamanna ingerlanneqarnissaa
nunaqqatigiit ilaannit aamma ujjartorneqarmat ulloq taanna iluatsillugu oqaluffiup eqqaaniittuni
ajunaarsimasut eqqaassutissaanni kransiliisoqarnissaa siunnersuutigineqarpoq,
nunaqqatigisimasagut toqukkut qimagussimasut ataatsimut tamaasa eqqaanarlugit.
-Nunaqqatigiit tamaasa eqqarsaatigalugit oqaluffiup eqqaaniittoq eqqaassutissaq
tikikkuminarnerummat tassunga kransimik soqanngippallu naasuusanik ilisinissaq perusunnarpoq,-
iliveqarfiup sulii aputaanera pitsorluttullu aamma tassani eqqarsaatigalugit.

Aningaasaqarnikkut allaffissornikkullu kingunerisinnaasai.

Aningaasaqarnikkut kingunerisinnaasai: Konto siornatigut 1820603501 ullumikkullu:
512020200-0201030000-1131713000-010573 ulloq 6.Juni 2025 ima annertutigisumik imaqarpoq:
219.050,53 kroner

Innersuussut

Allaffeqarfiup innerssuusutigivaa, ilaasortanit akuersissutigineqassasoq

Aalajangiineq

- Ullaakkut oqaaseqassaaq siulittaasoq A.Lynge
- Naalagiat asoorpata eqqaassutissamut Kransiliisuussaaq B.Larsen
- Ullup qeqqanut Haaleeqqami oqaaseqartuussaaq J.Lyberth
- Ullaakkut erfalasuliissaaq: Efraim Olsen

Imm. 07 Umiatsiaaqqanut qaqitsisarfiup kraanilerlugu qaqitsisarfiliortoqarnissaa pillugu
J.nr.

Tunuliaqutaq:

Oqaluuserisassanngortitsisoq nunaqarfimmi aqutsisuni ilaasortaq, Barnabas Larsen
oqaluuserisassatut siulittaasumit, Albrichtine Lynge-mit akuersissutigineqarpoq.

Seqqaavik atorunnaaepat avannaa tungaani kranilimmik qaqitsisarfiliortoqarnissaa pisariaqavippoq,
umiatsiaararsortut amerlapput amutsivillu naammagunnaaqqavoq. Ajutoortoqartillugu
allatulluunniit nukinginnartumik umiatsiat qaqilertorneqarsinnaaneq ajorput. aammalu ukiukkut
umiatsiat qallorneqartarnerat nalinginnaavoq, maanna inissiiviusartoq allanut
siunniunneqartariaqavimmat taqqavani sanasoqarnissaanik siunnersuuteqarpoq.

Pissutit atuuttut :

Sannavik taamaallaat ulinnganerani amutsiviusinnaavoq, taamaammat pissusissaminiippoq
umiatsiaalippassuit eqqarsaatigalugit qaqitsisarfeqarnissaq, tamannalu pisinnaavoq sanaartornikkut.
maanna inissiiviusartoq allanut atorneqartariaqalerpoq, nunaqarfitta qeqqaaniitigunnaarlugu.

Innersuussut

Allaffeqarfiup innersuussutigivaa, oqaluuserisassanngortinneqartoq Sanaartugassatut kissaatinut
ilanngunneqassasoq, taannali ilaasortanit oqaluuserineqarluni aalajangiiffineqassaaq.

Aalajangiineq

Sanaartugassatut kissaatinut ilanngunnissaa kissaatigineqarpoq

Imm. 08 Sanaartugassatut kissaatit

J.nr.

Tunuliaqutaq:

Sanaartugassatut kissaatit.

Nunaqqatigiinnut saqqummiunneqarput 28.Maj 2025 aggerut ikippallaarneri pissutigalugu, ukioq 2024-mi kissaatit atuutitseqqiinnarneqarput.

1.

Seqqaavik atorunnaaepat avannaa tungaani kranilimmik qaqitsisarfiliorqarnissaa pisariaqavippoq, umiatsiaararsortut amerlapput amutsivillu naammagunnaaqqavoq. Ajutoortoqartillugu allatulluunniit nukinginnartumik umiatsiat qaqilertorneqarsinnaaneq ajorput. aammalu ukiukkut umiatsiat qallorneqartarnerat nalinginnaavoq, maanna inissiiviusartoq allanut siunniunneqartariaqavimmat taqqavani sanasoqarnissaanik siunnersuuteqarpoq.

Sannavik taamaallaat ulinnganerani amutsiviusinnaavoq, taamaammat pissusissaminiippoq umiatsiaalippasuit eqqarsaatigalugit qaqitsisarfeqarnissaq, tamannalu pisinnaavoq sanaartornikkut. maanna inissiiviusartoq allanut atorneqartariaqalerpoq, nunaqarfitta qeqqaaniitigunnaarlugu.

2.

Utoqqarnut sapinnginnerusunut inissiat

Nunaqarfiup qeqqa piareersimavoq illuliorfigineqarnissaanut utoqqaat Illuat pisinnaanerusunut orniginanngilaq utoqqaat sapinnginnerusut amerliartorput,illuminni aserfallassimasuni najugallit.

3.

Kalaalimineerniarfik matoqqasoq.

Kalaalimineerniarfik atorluarneqartarpoq ingasammik ukiukkut,qitserarnej,meeqqat pinnguurtut aneerasaartarfiullunilu Kalaalimineerniarfik matoqqasunngorlugu orniginarneruvoq.

Innersuussut

Allaffeqarfiup innersuussutigivaa, ilaasortanit oqaluuserineqassasut aalajangiisoqarlunilu

Aalajangiineq

1. mut ikkunneqarpoq umiatsiaaqqanut qaqitsisarfik kraaniniligaq
2. Utoqqarnut sapinnginnerusunut inissiat
3. Kalaalimineerniarfik matoqqasoq



Imm. 09 Paasissutissiissutit / Ilisimatitsissutit

- Allaffiup pisortaata nalunaarutaa qaammat Maj 2025
- Nunaqarfimmi aqutsisut 21.Maj 2025 ataatsimiinnerani imaqarniliaq
- “Oqalliffik” 28.Maj 2025 imaqarniliaq
- Puttasut sananeqartussat pillugit paasissutissat

Tusaatissatut tiguneqarput

Imm. 10 Tamalaat.

- B.L. /Ukioq 1980-2000 tungaanut “Aviisi Kangaamiormiu” karsit tallimat toqqortarineqarput taakku katersugaasivimmut ilineqarnissai siunniunneqarpoq.`
- J.L/ Inuiattut ullorsiornissamut Maniitsumiit Kangaamiuliartitsisoqarnissaa katersugaasivimmut saqqummersitassanik apeqputigineqarpoq. ?
- Aqqusinilerisut biilii pillugit apeqputigineqarput ? Akineqarpoq
- Assaateeqqat pillugit apeqputigineqarpoq ? Akineqarpoq.

Assaassuteeqqat qaqugu Kangaamiuliartinneqarnissai apeqputigineqarpoq

Umiatsiaarakut pillugit allagarsiisoqassaaq.

Ataatsimiinneq naammassivoq nal. 11.00

